

茅山志卷之二

龍二

上清嗣宗師劉大彬造

誥副墨

唐詔誌

太宗賜王法主詔

先生操履夷簡德業冲粹屏棄塵雜志虛
玄吐故納新食芝餌木會眾妙於三清之表
返華髮於百齡之外道邁前烈聲高自古非
夫得秘訣於金壇受幽文於玉笈者其孰能
與此乎朕昔在藩朝早獲聞道春言風範無
忘寤寐近覽來奏請歸故山已有別勅不違
高志并許置觀用表宿心未知先生早晚以
屆江外所管棟宇何當就功佇聞委曲副茲
引領近已令太史令薛願往宣朕意貞觀九年
薛唐書本傳

高宗贈王法主詔

門下故王清觀道士王遠知性舍幾蹟跡徇
幽玄體茲縣解見稱先覺自締構之初迄光
華之旦綢繆恩過事昭綸綉仙化不追英靈
浸遠春言留易宜有褒崇可贈太中大夫謚

曰昇真先生主者施行武德二年
二月七日

勅旨潤州太平觀道士宜準七寺等例度滿

七七八人如後有缺隨即簡度訖申武德二年
二月十一日

詔

武后加贈王法主詔

門下子喬羽化或留連於故祠康成道存尚
延佇於舊邑矧夫蹟膺仙錄名偶聖朝追想
遺塵載殿遠念故玉清觀道士贈太中大夫
并真先生王遠知性與道合神從化游初窮
帝解之微自得天倪之理時歷三代韞秘術
以韜光年逾十紀屬睿圖之啓運藏往知來
察幽鑿遠垂符先渥緬惟贈恤之恩聿申後
命宜峻褒崇之禮可贈金紫光祿大夫昇玄
先生餘如故主者施行嗣聖元年正月
二十八日

玄宗賜李玄靜先生勅書凡二十
四道

勅丹陽郡太守林洋及道俗父老百姓等朕
遠遵玄妙裁想靈仙春茲茅山是為天洞瑤
壇舊觀餘址尚存道要真經散落將盡永言
法實良用憮然今為黎元大崇道本故令清
修之士建立真儀訪述靈山以新觀宇庶使

玄宗再闡瞻奉知歸降福宸儀致之仁壽也
又比年以來每遵清靜官吏有修良之美農
桑屬豐稔之期百姓之間庶無之絕也微寒
卿及道俗父老百姓等並平安好遣書指不
多及

勅江東道抹訪處置使晉陵郡太守董琬山
嶽上疏分野下鎮方隅降福祐於人施雲雨
之惠且茅山神秀華陽洞天法教之所源羣
仙之所宅固望秩之禮雖有典常而崇敬之
心宜增精潔自今以後茅山中令斷抹捕及
漁獵四遠百姓有喫葷血者不須令入如有
事式申祈禱當以香藥珍饈亦不得以牲牢
等物卿與所由存心檢校漸寒卿得平安好
勅廣陵李鍊師上清品人也抗志雲霞和光
代俗為予修福靈迹將赴金壇故賦詩寵行
以美其志

紫府煙霞士玄宗道德師心將萬籟合志與
九仙期絕俗遺塵境同人喜濟時訪經游玉
洞敷教入瑤墀茅嶺追餘迹金壇赴遠思陰
宮看舊記陽觀飭新祠緬想埋雙屨長懷抹

五芝真靈若可遇鸞鶴佇來茲

尊師抱一守中探微昭遠能回真潔發揮道門遂與太和先生啓是仙宗起于度奉崇飾靈迹廣求真經則詩以寵行物將厚意永慰歧路以彰禮賢也所謝知

勅鍊師李含光道高崇府學德實庭實然來思式敷至妙既而屬念茅嶺言訪真經近出咸秦遠遊方外朕載懷仙境延佇勤修將使九有之人同歸玄教三清之衆俯鑿遵行豈徒夢寐華胥馳誠碧落而已想尊師建立真儀所修壇宇初至經構殊用勞心甚寒得平安好遺書指不多及

勅鍊師李含光昨程元暹至得所進圖具規矩矣然崇飾仙觀祈望真游若不幽邃清閑豈降霓裳羽蓋且在科儀猶有差降至於仙真道衆故亦不可同居所置紫陽觀大院内更不須著人居止但作虛廊四合清潔殿堂以修香火用候雲駕其道衆等別院安置今具作圖往應所添加亦入支料矣尊師體真遠識舍和內融必能上合靈仙之心下副欽

崇之意也甚寒得平安好遺書指不多及

勅鍊師李含光尊師遠訪名山精求至教建立壇宇載寫真經庶事用心殊勞倦也朕志求道要緬想真仙將憑潔誠以修玄妙今以十八日清齋潔壇以受經誥靈仙降祐祈有證明今將詞及香信等往尊師當為宣揚科儀奉詞陳謝庶上達仙宮下垂昭應甚暱尊師得平安好遺書指不多及

勅李鍊師道者是萬有之宗法者是九真之契大聖以垂教後學以進修弟子比欲敬受經法以未詳嚴秘又真經散逸緝繆處多近訪得天真遺蹟至於科儀無不條備加以奉寫一依戒旨喜夙志之見遂荷真靈之降恩以今月十八日仰啓

三清尊君太師玄師真師潔齋受訖載捧真文恭披鳳篆將以運心太虛之境以養谷神之壽也其晚信具依經傳造足今并投詞封以附往尊師體道之要含光之和清簡無為與予合志請為弟子以前件詞及晚信投茅山華陽洞天金壇靈府以為明信用證勤精

夫有德者尊以美號則葛洪著抱朴之稱陶

君有貞白之名永言前修事實不遠今號尊師為玄靜先生以昭懿德彰高行也故令使往甚暱尊師平安好遺書指不多及

尊師東德之和探德之要為弟子親藏晚信以啓靈真且加號以表精修衣服者所以展誠敬是申崇尚之意式贊仙階之美也所謝知

尊師所奏靈芝信殊詳也若彩雲繁布比芳蘭芬馥當紫陽之福地叶丹誠之吉徵遠與大同玉芝遠為合應斯仙真上祐尊師灑誠是降休徵用深慶慰今令將詞及香投謝天洞式憑高德以達虔心也

靈芝者和氣以生真仙監植昔軒轅至道三秀屢芳永惟楨符載瑞茲日黃輝朱采八十莖色叶金方數應陽吉或連附並尊或雙本同枝出天洞以敷榮就藥壇而結秀實曠代嘉既至感殊祥尊師既陳詞遠誠遠致真錫弟子敬受元吉當服餌焉甚熱平安好勅春言仙府旁連洞宮青壇舊居緬然靈迹

紫臺新宇煥啓真宗式彰崇奉之誠爰置葺
修之戶尊師等副朕茲意清靜實持也

初尊師道德之重仙真所欽是以修齋必有
精誠況山惟地師會司令之福庭壇週天宮
則真人之舊館宜弟子勤志致養生壽咸返
遙東望日夕傾心至于開春佇迴風馭以慰
渴賢之想來敷玄妙之教也初秋尚熱尊師
平安好道書指不多及

初爐開仙藥九真示傳院合靈芝三茅並植
微之玄錄蓋未曾聞唯魏伯陽豫兆於前今
李越成功之於此朕當齋心以伺專使往迎
與尊師同承道錫也所賀知
初朕每重清真親手有道而覽茲誠請義在
難違俾遂適懷以就醫藥亦既痊損當平來
旋

詩送玄靜先生暫還廣陵 并序

玄靜先生稟和清真樂道虛極頂來城闕善
利同人緬思林泉洗心外俗予嘉焉重馬式
遂其意言念于邁賦詩寵行
揚許開真錄夫君密契傳九星連紫蓋傳京

合丹田玉簡龜臺職金壇洞府仙猶期御風
便朝夕候冷然

敬問玄靜先生先生秉潔白之節得黃中通
理學編九流逾守玄默心游八景益混光塵
則密行高迹良可歎矣然能屈獨往之心廣
弘濟之道緬迪真祐深啓淳源知前後所修
功德皆有感應瞻望東南馳心日夕今附物
及香囊等尊師更為九度修功德也庶使蒼
生承日用之福外化有歸順之心天下和平
惟道所庇修功德了當暫迂風馭一至京來
甚寒尊師比清暢唐師回遣書指不多及
齋醮之儀顧有模楷將致誠懇必仗精修故
屈尊師敬申妙旨知已事卑良多愧也所謝
知

尊師思慮就精虔心齊潔致福利物其功實
多况擇高流同勤至道精修不息嘉尚彌深
香信之資用昭誠意也
尊師以至道妙用精誠感真薦福朕躬居寧
寰宇俯及長至來慶休祥履端之吉是與同
也遲至來春共尊師相見

敬問玄靜先生昨弟子唐若倩至具知去月
十一日功德事畢夫以至誠之心精修之感
壇在仙境宜按沖科下庇蒼生上資宗社永
求福應玄感昭然及知天地至和人神齊慶
以降甘露以表休符則視履考祥其旋元吉
今歲律云暮璿璣運行不愧再勞事緣萬姓
今附香信往至年下且請尊師於所居修功
德以助履新至來載春和復請尊師於茅山
上為宗社下為黎元修河圖大齊應緣功德
之物願新再造無以多勞所利者廣又道德
相親氣味融合諸山聖蹟多有異人若有訪
尋尊師當為弟子招致也甚寒尊師道體安
和唐若倩還遣書指不多及
尊師上清真修下弘仙教為朕致福以庇蒼
生三皇秘文已承嘉應河圖內記析延福祥
虔誠之心遙屬茅嶺所寄少物豈答勤勞春
景漸和尊師比如宜也

詩送玄靜先生歸廣陵 并序

鍊師氣遠江山神清虛白道高八景而學兼
九流每發揮玄宗啓迪仙錄延我玉皇之杵

保我以金丹之期故為重焉深惜此別因賦詩以餞行云耳

默受王倪道逾深尹喜師欣同八景會更叶九丹時鸞鶴遙煙境江山渺別思當還洞府日留念上京期

尊師以道樞弘濟以真宗啓迪來致玄妙去還雲山詩以見懷用彰惜別也所謝知

肅宗賜玄靜先生物書

勅李含光師久契真要深通玄微游道遙之境得朝徹之道上皇時日順風見知今題鍊質名山良多景慕也况茅君洞穴仙經所稱靈化往來神藥斯秘師當閱金錄之秘訣祈玄宮以清修驗消災之方勅長年之術尤宜精勵庶表齋功夏熟師得平安好遣書指不多及

勅李含光師深通道妙又著名聞昔茅君之山今洞真之奧以師德行良景慕之朕頃總干戈掃除凶寇保全萬姓克定兩京上皇聖駕迎還宮闕得此定省慶慰自天仰荷玄元之祐再成宗社之業亦師精修願力有以助

之必須加意壇場潔精香火廣上皇之福壽俾六合之康寧靜正道門當在師也所謝知

修造紫陽觀勅牒

茅山紫陽觀右臣奉勅與修功德使玄靜先生李含光內謁者監程元暹等同檢校修造

前件觀並了并設齋謝上訖去年九月二十二日錄奉勅宜付所司修造觀迴殘錢二百四貫二百八十五文右修造外有前件迴殘為道觀成附奉勅便賜觀家充常住郡司已準數分付三綱訖臣又與觀主道士劉行

矩等高量請於便近縣置一庫收質每月納息充常住其本伏望長存觀額及徒眾先受地頃畝並足今載所收納苗子支來載糧亦充并觀內先有奴婢四大小牛六頭車一乘見在右臣今對所管縣官及三綱檢責觀內

先有前件產業數勅覆並同其糧食已有歲支來春請加營種觀內什物五行等右觀家先貧什物數少昨修功德使程元暹奉勅支供黃籙齋外有迴殘銀一百兩令臣分付觀內徒眾將回市所欠什物等並令充足觀內

松竹米木等右臣伏以觀在茅山羣仙所集院宇雖則華壯松竹先多欠少比為非時未由種植請至開春專令裁蒔并於南池種藕庶望周徧謹具以聞丹陽郡太守林洋奉件狀如前

中書門下牒丹陽郡牒奉勅宜依牒至準勅故牒天寶八載正月八日左相兵部尚書陳希列左僕射兼右相林甫

玄靜先生等表奏附

道士臣含光言今月十八日品官王遊仙宣口勅賜臣法衣六副又今日將軍高力士宣旨賜臣御製詩一首練二百疋并香爐等臣雖在道流素無深識因遇聖代仍荷國恩寬蒙羽服出自天府神筆摩藻頓集微軀臣之叨受實踰涯分臣自嬰風疾

十載有餘形骸力弱觸事俱廢惟願香爐致福上答聖躬終此餘生不敢有二無任恐懼之至天寶六載九月二十五日道士臣含光言今月二十四日中使張庭瑤及道士唐若倩齋跪物并詞至山即以

二十五日與庭瑤為備於華陽洞門燒香
讀詞兼藏跪信至暮事畢臣又奉勅書錫
號并賜法衣忽承聖旨進退惶懼臣以佗
倖頓恭國恩功德微薄寄情靡所不勝悚
荷之至因投曉已了謹遣楊慎奢奉表陳

述并謝以聞天寶七載三月二十三日

臣舍光言竊見紫陽觀東隱居先生舊合
丹所忽生芝草八十一莖形狀瑰奇光采
秀麗根憑松石氣鬱蘭荃斯實曠代希有
當今罕見伏惟陛下推誠洞府展敬無虧

瞻言紫陽載興修葺是以神物繁植用表
吉祥凡與知聞發云聖德所感莫不喜悅
臣不勝欣躍之至謹遣楊慎奢先奉表以
聞今圖寫芝形委曲詳辦事畢之日別差
使上聞天寶七載五月二十日

臣舍光言今月十八日中使啖庭瑤齋御
詞并香至山臣即以十九日與庭瑤及同
法劉行矩等詣紫陽觀東大橫山右燒香
啓真齋宣詞旨以今月依法採芝其芝草
大小八十一莖籠盛如列無任喜懼之至

因庭瑤謹奉表以聞天寶七載六月二十日

道士臣礪俗等言伏奉五月十一日恩制
紫陽觀取側近百姓二百戶太平崇元兩
觀各一百戶並蠲免租稅差科長充修葺
灑掃者實以光昭洞府永構玄門掃飾開
清靜之場施力增人戶之福伏惟

開元天寶聖文神武應道皇帝陛下廣崇
道化克著真宗重闡徽猷彝倫法要運使
靈山祠宇載葺顏綱茅許仙居感蒙創述
臣等愚昧濫在法流叨沐殊恩曲霑澤
所以遠馳丹禁踴踏天庭無任感荷喜抃
之至謹躍龍門奉表陳謝以聞天寶七載八月十一日

丹陽郡紫陽觀道士楊礪俗葛冲虛
太平觀道士徐元沼等上表

臣舍光言臣弟子唐若倩與前句容縣令
李越成進芝并奏以今日到伏承芝生藥
院數表千莖丹化神醴光踰九轉自非聖
德至重希代神物無由卒至謹按參同契
論此丹云帝王永御千秋常存既未聞於

往日實有徵於聖代不勝慶躍之至謹奉
表陳賀以聞天寶十載八月二十七日

臣舍光言臣雖服膺道法而拙於理身久
患風疾脚膝無力入秋以來漸覺羸弊物
性所習南北異宜伏望天恩許還本土冀
漸醫藥稍延視息無任區區之至天寶十載九月十日

臣舍光言昨十四日內侍袁思藝宣口勅
以御製送臣歸廣陵詩一首見賜伏惟陛
下虛已應物臣細無遺爰寄眷懷降該神
筆翰兼雲篆之妙詞發玉晨之音願漸優
渥捧對無倦臣行裝已辦即日戒途遠達
闕廷但深愧戀天寶十載九月十五日

臣舍光言季夏暑熱伏惟聖躬起居萬福
去月八日中使啖庭瑤至山宣口勅以所
齋縑二百疋并香三合令臣於茅山用施
齋醮并賜臣衣兩副臣謹承聖旨於紫陽
觀東鬱岡山右別立靜院趺取今月二十
七日人定啓齋二十八日寅時為正齋之
始自此之後以漸遵行計至冬間法事迺

畢務盡心力以求感通但臣無功每蒙賜
 及伏增戰慄今供擬已辦謹遣弟子唐若
 情隨中使齊令說奉表以聞天寶十一載六月十九日
 臣舍光言暑度環周日長南至伏惟陛下
 膺納乾祐慶無不宜臣等今於茅山為國
 焚修齋醮無任欣悅之至謹遣中使啖庭
 瑤起居謹奉表以聞天寶十一載十月二十五日
 臣舍光言前所奏請紫陽觀東鬱岡山右
 奉修齋醮自六月二十七日起首行道至
 今月七日冬至日初出時緣是齋人及中
 使齊令說等咸見齋壇四遠松樹悉有甘
 露其色白其氣香其味甘其松去壇漸遠
 者而露亦漸少計今凡降甘露松樹都有
 二百三十株謹按道德經稱天地相合以
 降甘露人莫之令而自均焉玄聖著經以
 為嘉瑞齋醮遇此又為吉祥敢不以聞謹
 遣弟子唐若情隨中使齊令說奉表供進
 甘露二合
 臣舍光言孟春猶寒伏惟聖躬起居萬福
 去載十二月二十五日中使啖庭瑤及臣

弟子唐若情等至伏奉恩勅勞問臣蒙賜
 絹百疋行道道士賜絹二百疋又奉聖旨
 以本命紫紋七十疋五方紋縵各二十疋
 銀五百兩令臣依河圖內篇奉修齋醮并
 餘功德臣爰以去載十二月晦及今載元
 正之日先於廣陵郡大唐廣業大龍興觀
 謹修歲節吉齋以助履新之慶今又於茅
 山紫陽觀中鈐舉同法有戒行者共營齋
 具講習之儀務令合法然後施用至夏齋
 畢隨事上聞但臣自顧非材謬參道法不
 以庸淺頻荷國恩雖竭愚誠宣酬萬一無
 任悚懼之至天寶十三載正月二十五日
 臣舍光言仲夏炎熱伏惟聖躬起居萬福
 臣先奉聖旨令於茅山修奉河圖齋謝頻
 屬霖雨遂關施行至今月八日夜始就宿
 啓次九日十日夜依法正齋并仲禮獻次
 十二日江中投壁以望日設齋飯賢自始
 及終頗為周悉但臣等學非師授材愧聰
 明雖謹按成規而所疑未洗不勝惶懼之
 至謹遣唐若情奉表以聞天寶十二載五月二十五日

臣舍光言昨十日中午使孟游仙齋勅至茅
 山修功德所仰感聖恩伏增恐懼先於此
 山與諸道士能戒行者共遵香燈之務庶
 以助國扶教消災致福但臣等雖班法任
 愧之感通區區之心不敢有二因孟游仙
 使回謹奉表上謝以聞至德二載六月十四日
 大和禁山勅牒
 潤州三茅山大茅山西面到平地路三里內
 有太平觀南面到平地路三里內有華陽洞
 南門崇元觀道祖院東面到平地路四里東
 北長嶺綠嶺脚不斷接連並平路是界北面
 連積金嶺內有華陽洞西門及祠宇中茅山
 西面到平地路三里內有三茅廟及祠宇東
 面到平地路三里南面連積金嶺北面連小
 茅山小茅山西面到平地路三里西北至雷
 平秦龍池郭真人塘紫陽觀南面連中茅山
 東面到平地三里北面連大橫山內有燕口
 洞并祠宇北至大橫山鍊丹院三里
 右茅山三觀威儀道士孫智清等狀華陽

洞天衆真靈宅先奉恩旨禁斷戈獵蕪蘇
秋冬放火四時祭祀成絕牲牢自經艱難
失去元勅百姓不遵舊命侵占轉深採伐
山林妄稱久業伏請重賜禁斷準法護持
差置所由切加檢察庶得真場嚴整官觀

獲安具元禁疆界如前

中書門下牒茅山三觀等奉勅句曲靈山洞
宮所在恭惟列聖嘗亦欽崇宜禁蕪蘇以申
嚴敬其茅山界內並不得令百姓戈獵採伐
及焚燒山林仍委州縣切加禁止懸至準勅
故牒大和七年十月四日中書侍郎平章事
李德裕檢校右僕射平章事牛使

茅山志卷之二

茅山志卷之三

上清嗣宗師劉大彬造

龍三

誥副墨

宋詔誥

勅禁山

訪聞茅山界內祠宇宮觀之側樹木多有諸
色不顧修法擅行蕪蘇及放野火焚燒山林
須議專行指揮國家方延景既以祐祭民春
彼名山存於方志或仁慈所治或真侶皈依
是為降福之場允謂棲神之所故宜加禮敬
答儲休豈可斤斧競臻蕪蘇無節致嘉生之
罔植使靈蹟以何觀爰伸禁止之文用表肅
恭之意今下潤州昇州候宣命到於茅山四
面立定界止嚴行指揮斷絕諸色人并本山
宮觀祠宇主首以下自今後不得輒有蕪蘇
斫伐及放野火焚蕪常令地分巡檢官吏著
老壯丁覺察檢校如有違犯即便收捕押送
所屬州縣勘斷訖令衆半月滿日踈放如斫
伐數多情理難恕即仰收禁奏候指揮當行
決配如是遠處官觀祠宇之外無有供燒禁



薪不係古蹟之內久來存留樹木即仰本縣
官吏與官觀等主首同共指定界止緊立標
記方得採取若是已有斫伐延燒到樹行踈
處亦仰隨處州縣勘定數目去處常依時裁
種補填務要別無空闕即不得輒便接授仍
將此宣命指揮於官觀門首及往來要路鐫
石曉示知委

石曉示知委

明肅劉太后賜朱宗師御札

金注子底水一副共重三十兩是皇帝小時
使底與道者充買田土供贍道衆齋糧兼逐
日持課祝延皇帝聖壽長命安樂永離災障
與彼處知州同共商量買田土好莊子令任
文慶與知州同共收買回日畫取圖子來

崇寧加封三茅君誥

詔勅門下句曲洞天有真人焉變化無方靈
妙不測秦漢而降歷千餘年續社發祥澤于
生民而隆名微稱猶或未備非所以極崇奉
之誠也茅山大茅君今號太元真人東嶽上
卿司命神君可進號太元妙道真人東嶽上
卿司命神君中茅君今號定錄右禁真人可